


Los microARN reguladores de les enfermedaes humanes

*Relevancia funcional y patoloxica
de la cara «oculta» del xenoma*

Por Xurde M. Caravia

Departamento de Bioquímica y Biología Molecular
Institutu Universitari d'Oncoloxía (IUOPA)
Universidá d'Uviéu

Semeya: Nicolle Rager, National Science Foundation
Licencia Creative Commons



ENTAMU: EL DOGMA CENTRAL DE LA BIOLOXÍA MOLECULAR

La historia de la vida esribese nun llinguax químicu dende hai más de 3.800 millones d'años. Les primeres formes de vida qu'apaecieron fueron les bacteries, y estos organismos vienen esistiendo de forma individual d'entós p'acá. Sicasí, hai aproximadamente 2.000 millones d'años entamaron a amestase unes con otros, formando entós les primeres célules eucariotes. Estes célules, que son les que formen la mayor parte de los seres vivos que somos a ver, como los animales, les plantes o los fungos, son enforma más complexes que les cencielles bacteries, cola principal carauterística de que tienen un noyu nel qu'agospien el material xenético.

Les célules eucariotes caltuviéronse independientes hasta hai 610 millones d'años, momentu nel que s'asociaron formando los organismos pluricelulares complexos. Estes nueves formes de vida cooperativa traxeron cambeos importantes a nivel biolóxicu. Hasta esi momentu les célules esistíen de forma aisllada y nun facíen namái que crecer y dividise, pero entós entamaren a estremase unes d'otres, a repartise les estremaes xeres y, llegáu'l casu, a sacrificase pol bien común. Foi asina como se semó la grana de lo que surdió tola diversidá d'organismos vivos que conocemos anguaño (Cavalier-Smith 2006).

Magar la gran complexidá esistente, tolos organismos vivos empleguen un número perpe-

queñu de moléculas p'almacenar la información y pa facer les principales funciones biolóxiques, ye dicir, hai una unidá química nel mundu vivu. Asina, la información xenética, les instrucciones pa ser lo que somos davores, allúgase nel noyu de les célules en forma d'**ADN** (ácido desoxiribonucleico). Esti material ye lo que nomamos como xenoma, ye dicir, el conxuntu de xenes d'un organismo, o les instrucciones moleculares pa facer un ser vivu. Pero la información xenética nun tuvo codificada siempre nuna molécula d'**ADN**, si-nón que s'estima que les primeres formes de vida surdieron por aciu d'una molécula mui paecida, l'**ARN** (ácido ribonucleico).

Les moléculas d'**ARN** son mucho más afayadices pa desendolcar distintos tipos de xeres, pero a espenses de ser mucho más fráxiles. Poro, la molécula d'**ADN**, mucho más estable que l'**ARN**, acabó ocupando'l papel de soporte de la información xenética. Sicasí, la llectura ya interpretación d'esa información, dientro de toles célules conocíes, pasa peles manes de distintes moléculas d'**ARN**. Asina, l'**ARN mensaxero** sirve d'intermediariu nel que se copia la información


A entamos d'esti sieglu, el 98% del xenoma humanu nun tenía función conocida. Llueu pudo comprobase lo equivocao del plantegamientu, ya que munches de les secuencies, mal llamaes como «basura», en realidá daben llugar a distintos ARN con perimportantes funciones reguladores en procesos fisiolóxicos y patolóxicos

del **ADN** y viaxa hasta los ribosomes, nel citoplasma celular, tamién formaos por otru tipu d'**ARN**. Ellí, la información xenética tórnase en proteínes por aciu d'otru tipu más d'**ARN**, el **de tresferencia**, que ye responsable de la interpretación del códigu xenéticu compartíu por tolos seres vivos. Les proteínes son les que mayoritariamente desempeñen les estremaes funciones biolóxiques (tanto estructurales como catalítiques), constituyendo les ferramentes coles que funciona la vida. Esti fluxu de la información describiólu Francis Crick nel añu 1970, constituyendo'l **Dogma Central de la Bioloxía Molecular**. Crick (1970) afitó la unidirecionalidá de la información xenética y el perfeutu acoplamiento de tolos procesos.

LA CARA OCULTA DEL XENOMA: LOS MICROARN

Nos años vinientes dempués del asoleyamientu del Dogma Central de la Bioloxía Molecular taba perestendida la idea de que l'**ADN** tenía namái la función d'almacén de la información xenética. A partir d'ello teníen de formase les proteínes cola participación intermediaria del **ARN mensaxero**. En cualesquier casu, les moléculas d'**ARN** consideráronse meros actores secundarios que transportaben la información almacenada na molécula d'**ADN**. Pero los investigadores decatáronse de que munches secuencies d'**ADN** trescribíense a **ARN**, magar que dempués nun formaben proteínes, lo que nun encaxaba col dogma central de la Bioloxía Molecular. La esistencia de

a)



ARRIBA

Figura 1. Dogma Central de la Biología Molecular: [a] Plantegamiento inicial de Watson y Crick. [b] Modificaciones al modelu que se fixeron con posterioridá.

grandes rexones del ADN que nun codificaba proteínes y, poro, nun se sabía pa qué valía, fixo que recibiera'l nomatu despectatiyu d'ADN basura, yá que pensaben que nun tenía función dala. La finalización de la secuencia del xenoma humanu, al entamu del añu 2000, nun fixo sinón confirmar que más del 98% del xenoma nun tenía una función conocida d'alcuerdu col Dogma Central. Pero llueu pudo comprobase lo equivocao d'esti plantegamiento, yá que munches d'estes secuencies, mal nomáes como «basura», en realidá dabon llugar a distintos ARN con perimportantes funciones reguladores nos procesos fisiológicos y patológicos de los organismos, incluyida la especie humana. Esto llevó a la reformulación del dogma de Crick (Fig. 1) y supunxo'l surdimientu del conceutu d'**ARN non codificante**, que güei definimos como un complexu sistema de regulación xénica compuestu por secuencies d'ARN que nun se traducen a proteínes, magar que xueguen un papel cimeru na bioloxía normal de la célula. Esti artículu trata d'averase al papel de los ARN non codificantes en diferentes

procesos fisiopatológicos humanos, con especial interés na función d'un tipu particular d'ARN, los **microARN**.

D'esta miente, dientro d'esta cara «oculta» del xenoma atópense los microARN, secuencias d'ARN curties formaes aproximadamente por 20 unidaes químiques nomaes nucleótidos y que pasaren desapercibíes hasta hai quasi 20 años. Los microARN tán codificaos pol xenoma, y tienen una secuencia de bases que-yos permite xunise a los ARN mensaxeros de los xenes a los que regulen, bien facilitando la so degradación o bien torgando la so traducción en proteínes, dando asina como resultáu una menor cantidá de proteína de los sos xenes diana (Winter *et al.* 2009). Asina, los microARN actúen como interruptores, prendiendo o apagando rutes bioquímiques (Bartel 2009). Tomando en cuenta que cada microARN tien el potencial pa regular ente decenes y cientos de xenes y que yá s'identificaren unos 2.000 microARN nel xenoma humanu, nun ye d'estrañar la so influencia nos programas celulares. Los microARN trescríbense nel noyu pa dempués sufrir un procesu de maduración que va dar llugar a les formes maduras, funcionalmente actives, nel citoplasma.

Los primeros pasos pa la identificación de los microARN fixéronse nos llaboratorios de Victor

*Los primeros pasos pa la identificación de los microARN fixéronse al entamu de los años 90, nun estudiu p'atopar nuevos xenes nel nematodu *Caenorhabditis elegans*. Esti descubrimientu pasó inalvertíu hasta que s'entamó la busca d'afechu de microARN y asoleyaron la presencia d'estes moléculas en guxanos, mosques y humanos*



Ambros y Gary Ruvkun nos inicios de la década de los 90, nun estudiu empobináu a atopar nuevos xenes nel nematodu *Caenorhabditis elegans* (Lee *et al.* 1993, Wightman *et al.* 1993). Esti descubrimientu pasó inalvertíu hasta que varios grupos d'investigación entamaron dempués la busca d'afechu de microARN y asoleyaron la presencia d'estes pequeñes moléculas en guxanos, mosques y humanos, afitando entós la esistencia d'una nueva clas d'ARN con función reguladora (Lagos-Quintana *et al.* 2001, Lau *et al.* 2001, Lee *et al.* 2001). Esto supuxo l'entamu de la revolución de los microARN y, d'entós p'acá, la nuesa conocencia sobre estos moléculas nun aparó d'espoxigar de forma esponencial. D'esti mou, güei sabemos qu'esti sistema tien un gran impautu en cualesquier procesu de la célula y del organismu, tanto ampliamente estendíu en vertebrados ya invertebrados, asina como en plantes, ocle y virus (Cech 2010).

ARRIBA

Figura 2. Los microARN nes enfermedaes humanes: Los microARN regulen de forma decisiva'l surdimientu y el desendolcu d'importantes patoloxíes humanes como'l cáncer, les enfermedaes neurolóxiques, les malures cardiovasculares y tamién l'avieyamientu, factor de riesgu pa toes elles.

MICROARN NES ENFERMEDADES HUMANES

Una ferramienta indispensable pal estudiu de les enfermedaes humanes son los modelos animales. D'esta miente, per aciu de manipulación xenética o farmacolóxica, nel llaboratoriu puen xeneráse animales que recapitulen les carauterístiques más importantes de les malures humanes, col fin de pescanciar les bases moleculares d'estes enfermedades, y ensayar nueves aproximaciones terapéutiques nestos modelos pre-clínicos. La xeneración de modelos animales, y concretamente de modelos murinos, deficientes en microARN reveló información pervaloratable

sobre l'impautu real d'estes moléculas na patoloxía humana y, en xeneral, de la bioloxía de los organismos. Tal ye asina, que'l número de modelos animales de perda de función de microARN ta medrando abondo nos caberos años.

Un exemplu d'ello son los microARN miR-6 y miR-11, que controlen l'apoptosis (muerte celular programada) nel desarrollu embrionario de la mosca del vinagre *Drosophila*. Asina, les mosques que nun tienen estos xenes muerren enantes de terminar el desendolque pola desregulación de xenes de muerte celular que son importantes nesti periodu tan críticu (Ge *et al.* 2012). Nesti sen, los mures que nun tienen los xenes encargaos de la bioxénesis (producción) de los microARN tamién amuesen esta mortalidá embrionaria (Park *et al.* 2010). Per otru llau, estes investigaciones con modelos animales tamién confirmaron los fenómenos de redundancia y cooperación funcional ente diferentes microARN. Por exemplu, l'ausencia de los grupos de microARN miR-106a~363 y miR-106b~25 nun tien consecuencias patolóxiques pa los mures, sicasí, la deficiencia d'un d'ellos xunto cola de miR-17~92 provoca una mortalidá n'etapes pertempranes del desendolque embrionario (Ventura *et al.* 2001).

Acordies cola so importancia na bioloxía de los organismos, les alteraciones nos sistemas de regulación mediaos por microARN tan asociaos al desendolque d'enfermedaes humanes, ente les que destaqueñen él cáncer, les neurodegenerativas, les cardiovasculares y tamién un fenómenu que ye factor de riesgu pa toes elles, l'avieyamientu (Fig. 2).

CÁNCER

El cáncer ye un conxuntu d'enfermedades orixináu pola alteración de numerosos procesos celulares. Nun ye extraño entós, que la contribución de los microARN a la xénesis de los cáncanos seja un finxu de muchos de los estudios llevaos alantre güei. Estos trabayos tán revelando un papel fundamental d'estes moléculas en tol procesu, dende la tresformación de la primer célula normal en tumoral hasta l'espardimientu de les céuples dañibles per tol organismu, ye dicir, la metástasis. Cuando estudiamos el cáncer dende un puntu de vista molecular, podemos clasificar los xenes en dos estayes, acordies col so papel na enfermedá. Asina, tenemos los supresores tumorales, qu'amenorguen la probabilidade que tien una célula normal pa tresformase en tumoral y, per otru llau, los oncoxenes, xenes normales que cuando sufren una mutación, un cambéu na so secuencia, empobinen a la célula a tresformase en tumoral. D'esta miente, los microARN participen nesta enfermedá como oncoxenes o supresores tumorales. Esto puen facelo a traviés de cambios na so expresión, variación del número de copies de microARN presentes nel xenoma (amplificaciones y perdes), mutaciones na so secuencia o na secuencia de los xenes diana a los que regulen y alteraciones nos mecanismos de bioxénesis de los mesmos (Lujambio *et al.* 2012).


El primer estudiu onde se describió una asociación ente'l cáncer y los microARN fixóse nel añu 2002, nun esfuerciu empobináu a atopar supresores tumorales na leucemia linfática crónica. El trabayu allumó que la rexón cromosómica 13q14, que taba perdida nos más de los pacientes de la enfermedá, agospaba dos microARN: miR-15a y miR-16-1. Llueu, viose qu'estos microARN provocaben la muerte celular

a traviés del silenciamientu del xen *BCL2*. Asina, al faltar los citaos microARN, les céuples dañibles nun reciben señales de muerte y proliferaben ensin control. El trabayu redondióse cola xeneración de los primeros mures deficientes en miR-15a y miR-16-1. Estos mures desendolcaben, como yera d'esperar, leucemia d'una forma mui asemeyada a los pacientes humanos (Klein *et al.* 2010). Pero l'alteración del procesu de muerte celular nun ye l'único procesu rellacionáu col cáncer nel que participen los microARN. Pocos años enantes, Hanahan y Weiberg asoleyaren les **seis claves biolóxiques del cáncer** (Hanahan *et al.* 2000), qu'ampliaren dempués a diez. Estes son: Caltenimientu de les señales proliferatives, evasión de los supresores del crecimientu, resistencia a la muerte celular, inmortalidá replicativa,

Les seis claves del cáncanu: caltenimientu de les señales proliferativas, evasión de los supresores del crecimientu, resistencia a la muerte celular, inmortalidá replicativa, activación de procesos d'invasión y metástasis ya inducción d'anoxoxénesis

ABAXO

Figura 3. Relevancia patológica de los microARN nel cáncer: Los microARN contribúin al procesu de tumorixénesis al traviés de mecanismos tales como cambios d'expresión, variaciones nel número de copies, mutaciones y defectos na maquinaria de bioxénesis. Estes alteraciones inflúin nes seis claves pa l'aparición y desendolcu del cáncanu.



activación de procesos d'invasión y metástasis ya inducción d'anoxoxénesis (formación de nuevos vasos sanguíneos pa cebar al cáncanu). Los microARN pueden afeutar a ún o varios d'estos procesos pa favorecer o valtar el desendolque y la progresión del cáncanu. Asina, hai estudios qu'apunten a que más del 50% de los microARN tán allugaos en rexones del xenoma asociaes col espoxigue de la enfermedá (Fig. 3).

La proliferación celular ye, ensin dulda, el más importante de cuantos procesos intervienen nel cáncer. Nos organismos pluricelulares, les céuples tán en comunicación continua ente elles. Esti trabayu a comuña ye tan importante, que llegáu'l casu, dalgunes céuples tienen que se sacrificar pol bien común y entrar nos programmes de muerte celular. Pero les céuples tumorales nun tienen esi comportamientu altruista, sinón que son egoístes, y non solamente nun entren nunca en muerte celular, sinón qu'amás aceleren el so ciclu celular a la fin d'espoxigar cada vegada más. Podemos dicir asina qu'una célula ye cancerosa cuando medra escapando a los mecanismos de control del organismu. Hai muchos microARN implicaos nestos procesos proliferativos, ye'l casu de miR-17-92, que tien como función regular a delles proteínes controladores del ciclu celular y pertenecientes a la familia E2F. Ún de los xenes diana más importantes de miR-17-92 ye'l supresor tumoral *E2F1*, que ta controláu tamién pol oncoxén

Les plaques seniles, formaes pola acumulación del péptidu β -amiloide, contribúin a la progresión de la enfermedá d'Alzheimer. Esi péptidu vien del corte proteolíticu de la Proteína Precursora Amiloide (APP) per parte del enzima β -secretasa. Dellos microARN, ente ellos miR-29, regulen a la β -secretasa. Por esa razón muchos pacientes cola enfermedá presenten niveles mui baxos de miR-29

c-Myc. Asina, afítase un circuitu de retroalimentación ente los tres componentes que se caltienen n'equilibriu nes céules normales. Sicasí, muchos tumores humanos tienen una gran expresión de miR-17-92, lo cual redus enforma los niveles de E2F1 favoreciendo'l desendolcu del cáncanu mediante la perda de control sobre'l ciclu celular (He et al. 2005).

Amás del so papel na bioloxía de les céules dañibles, en dellos tipos de cáncer los patrones d'expresión de microARN son una ferramienta afayadiza no que cinca a la clasificación tumoral, polo que tán algamando gran importancia como biomarcadores pal diagnósticu y pronósticu del cáncer. Asina, l'análisis de los microARN pue emplegase pa estremar el texiu sano del tumor, pa saber el grau de diferenciación del tumor, el so potencial metastásico y la rempuesta a los tratamientos antitumorales.

ENFERMEDAES NEUROLÓXIQUES

Nel sistema nerviosu esprésense'l mayor númberu de microARN d'ente tolos texíos humanos, concretamente alredor del 70%, los más d'ellos nes neurones (Cao et al. 2006). Poro, nun ye d'estrañar la so importancia pa la bioloxía y la patoloxía d'estes céules.

Un exemplu claru de la so relevancia son les mutaciones na maquinaria enzimática de bioxénesis de los microARN. Cuando experimentalmente anulamos la funcionalidá d'estos enzimes nun tipu celular concretu, apaecen enfermedaes tales como l'ataxia (alteraciones del movimientu), la esclerosis múltiple, la enfermedá de Parkinson o l'Alzheimer (Esteller 2011). Más importante entá son les mutaciones nestos mismos sistemes, que son responsables de síndromes familiares como la esclerosis lateral amiotrófica o'l síndrome del cromosoma X fráxil. Toes elles patoloxíes

hereditaries qu'afeuten a varios miembros d'una familia y que son provocaes pola tresmisión de la mutación ente pas y fíos (Ling et al. 2010).


Pero la desregulación d'un microARN solu yá ye abondo p'afeutar de forma decisiva'l cursu d'una patoloxía del sistema nerviosu. Ye'l casu de la enfermedá d'Alzheimer. L'Alzheimer ye un tipu de demencia carauterizada pola perda de la memoria y la capacidá pa pensar. Amás, ye una enfermedá dexenerativa qu'avanza col pasu'l tiempu hasta imposibilitar la realización de xeres bien cencielles per parte del paciente. Ta mui

ENFERMEDAES CARDIOVASCULARES

Les enfermedaes cardiovasculares son la causa cimera de muerte nos países industrializaos y representen un problema sociosanitariu y económico escomanáu nestes sociedaes. Anguaño, ye munchu l'esfuerciu que ta faciéndose por atalantar les bases moleculares d'esti grupu importante de malures, col enfotu d'algamar tratamientos y pruebas diagnóstiques meyores. El corazón, al igual qu'otros órganos, tien mecanismos pa defendese de los axentes estresantes (internos y esternos) causantes d'enfermedaes.

estendió que les plaques seniles, formaes pola acumulación del péptidu β -amiloide, contribúin a la progresión de la enfermedá. Esi péptidu vien del corte proteolíticu de la Proteína Precursora Amiloide (APP) per parte del enzima β -secretasa. Dellos microARN, ente ellos miR-29, regulen a la β -secretasa. Ye esa la razón pola que muchos pacientes cola enfermedá d'Alzheimer presenten niveles mui baxos de miR-29 (Hebert et al. 2008).

Nesti sen, hai de destacar el procesu de remodelación cardiaca, definíu como los cambeos de tamañu, forma y función que tienen llugar nel corazón y que cuando son equilibraos permiten el bon funcionamientu del muérganu. Sicasí, namás se ruempe esti equilibriu, por exemplu pola alteración na expresión de dalgún microARN, produzse una activación crónica de la remodelación cardiaca que pue acabar en patoloxíes



ARRIBA

Figura 4. Papel regulador de los microARN nes claves del avieyamientu: los geromiRs regulen procesos venceyaos a les nueve claves del avieyamientu, constituyendo un sistema de mucha importancia nel progresu de la vieyera.

mortíferos como l'infarto o les estremaes miocardiopatías.

Tamién, nel campu de les enfermedaes cardiovasculares los modelos animales fueron básicos p'algamar tola conocencia que tenemos anguaño d'estes patoloxíes. Por exemplu, l'ausencia en mures de miR-133a-1 o miR-133a-2 nun provoca dengún fenotipu patolóxicu, sicasí, la perda simultánea de los dos trai consigo una mortalidá perinatal d'aproximadamente el 50% de los mures. Esta muerte ta asociada a severos defectos cardíacos (Liu *et al.* 2007).

Nel casu de les patoloxíes humanes, ún de los microARN cimeros na bioloxía del corazón ye miR-1. Esti microARN ta implicáu nel desendolque d'arritmies pente medies la regulación de canales de fierro (Yang *et al.* 2007). Nel casu del infarto de miocardiu, tamién ye perimportante la regulación mediada polos microARN, darréu que los perfiles d'espresión d'estes moléculas son diferentes nel texíu infartao con respeuto al texíu sano. No que cinca a les enfermedaes vasculares, tamién miR-1 ye ún de los microARN más estudiados, yá que variaciones na so secuencia tan asociaes a la apaición d'hipertensión arterial (Sethupathy *et al.* 2007).

AVIEYAMIENTU

L'avieyamientu definése como la perda progresiva d'integridá fisiolóxica qu'acarria una mengua na eficacia biolóxica y una mayor vulnerabilidá pa la muerte. Esta elevada probabilidad pa padecer malures vien de que la vieyera ye un factor de riesgu pa munches d'elles, ente les que destaca'l cáncer, les enfermedaes neurolóxiques y les cardiovasculares, que se discutieron enantes.

Un estudiu asoleyáu de recién por López-Otín y collaboradores desveló les nueve **claves**

del **avieyamientu**, de la mesma manera que Hanahan y Weinberg fixeren col cáncer años enantes (López-Otín *et al.* 2013). Estes claves, en conxuntu, definen el procesu d'avieyamientu y son comunes a muchos organismos. Tan dividíes en 3 estayes acordies col so papel nel procesu. La inestabilidá xenómica, l'acurtiamientu de los telómeros, les alteraciones epixenétiques y la perda de la proteostasis tán agrupaos nel grupu de claves primaries, darréu que son los principales responsables del dañu celular que xenera l'avieyamientu. El segundu grupu engloba les claves antagóniques, que son les rempuestes del organismu pa facer frente al dañu. Equí atopamos la desregulación nutricional, la disfunción mitocondrial y la senescencia celular. Nun primer momentu son beneficiosos, pero cuando cronifiquen, tórnense dañibles. Finalmente, les claves integradores son el resultáu de los dos grupos anteriores y les verdaderes responsables del decayimiento asociáu a la vieyera. Equí encontramos l'agotamiento de les célules madre nos diferentes texíos y los defectos na comunicación intercelular. Los microARN afeuten de forma muy importante a toes y caúna de les claves del avieyamientu, hasta'l puntu en qu'Ugalde y collaboradores rescamplaron apocagüéi'l conceutu de *geromiR* (Ugalde *et al.* 2011) pa nomar al grupu de microARN implicaos nel avieyamientu (Fig. 4).

Un exemplu claru ye miR-34, que foi'l primer microARN descritu que taba reguláu trescripcionalmente pol supresor tumoral p53. Esti xen ta consideráu como'l guardián del xenoma, yá que regula procesos tan importantes como la rempuesta al dañu nel ADN, el control del ciclu celular y l'apoptosis o muerte celular. Cuando hai dañu xenéticu, p53 activa la trescripción de miR-34c pa qu'inhiba al oncoxén c-Myc,

parando asina la replicación del ADN aberrante (Cannell *et al.* 2010).

Estos mecanismos de daño nel ADN, vencen mecanismos mui estremaos ente sí. Asina, anque'l cáncer y l'avieyamientu talamente paecen ser procesos totalmente opuestos, yá que'l primeru tien como carauterística la ganancia d'eficacia biolóxica per parte de les célules, mentanto que'l segundu supón un decayimientu de les mesmes, cuando afondamos nel so estudiu podemos ver que comparten un orixe común. L'acumulación de daño celular col pasu del tiempu ye la causa xeneral del avieyamientu, sicasí, estos daños celulares, de xemes en cuando, aporten ventayes a delles célules, lo que pue desembocar nun cáncanu. Asina, cáncer y avieyamientu son dos manifestaciones diferentes del mesmu procesu molecular, ye dicir, dos cares de la mesma moneda.

Un exemplu de lo anterior podemos velu nos síndromes proixeroides (avieyamientu prematuru). Patoloxíes estremadamente rares carauterizaes pol surdimientu de los principales síntomes de la vieyera (perda de pelo, estatura

baxa, arrugues na piel, malures cardiovasculares y osteoporosis) en xente mozo. Son enfermedaes xenétiques causaes por mutaciones que s'herieden de padres a fíos. Una d'elles ye la proxeña de Hutchinson-Gilford, carauterizada por defectos na llámina nuclear, una rede de filamentos asitiada na cara interna de la membrana del noyu y que permite l'anclaxe de la cromatina (ADN nuclear más proteínes xuníes). La llámina nuclear de los pacientes de Hutchinson-Gilford ye patolóxica polo que torga la correuta arquitectura de la cromatina. Asina, los pacientes presenten una activación del supresor tumoral p53, col fin d'evitar la transformación dañible d'estes células que porten daños nel so ADN (Valera *et al.* 2005). Pero estes continues señales de senescencia lleguen a cronificar, disparando la progresión del avieyamientu. Los microARN tamién tienen un papel importante nos síndromes proixeroides. Los pacientes de la proxeña de Hutchinson-Gilford presenten un nivel excepcionalmente alto de miR-29, provocau pola activación de p53, qu'ayuda a responder frente al daño xenético (Ugalde *et al.* 2011).

CONCLUSIÓN

El descubrimientu de los microARN supunxo un finxu na historia de la ciencia al amestar una nueva estaya de regulación molecular qu'apurre una esplicación a munches entrugues de la Biología que naguaben por rempuestes. Sicasí, anque la conocencia algamada nos caberos años aportó pruebas evidentes del so impautu fonderu na Biología, entá hai muchos interrogantes al rodiu de la regulación mediada por microARN.

Per otru llau, la gran bayura de xenes diana de cada microARN, el so impautu nos procesos celulares y la so frecuente contribución a diverses malures fai qu'anguaño tea considerándose'l so emplegu como dianes terapéutiques nel tratamientu de munches enfermedaes.

Anque entá tamos nel entamu d'estes aproximaciones, dellos trabayos en mures y primates tán consiguiendo modificar muncho los niveles de microARN emplegando nucleótidos que mimeticen o bloquien l'acción de los microARN endóxenos (Broderick *et al.* 2011). Inclusive dellos tán siendo emplegaos n'ensayos clínicos. En conclusión, los microARN son una ferramenta prometedora pa la llucha escontra les enfermedaes humanes pa les que entá nun tenemos cura, pero, sicasí, ye necesario seguir xorreciendo nel nuesu conocimientu sobre estos molécules a la fin de poder pescanciar el so verdaderu potencial.

References bibliográfiques

- BARTEL, D.P. (2009).- MicroRNAs: target recognition and regulatory functions. *Cell* 136(2): 215-33.
- BRoderick, J.A. & P.D. Zamore (2011).- MicroRNA therapeutics. *Gene Ther* 18(12): 1104-10.
- CANNELL, I.G. ET AL. (2010).- p38 MAPK/MK2-mediated induction of miR-34c following DNA damage prevents Myc-dependent DNA replication. *Proc Natl Acad Sci USA*. 107(12): 5375-80.
- CAO, X. ET AL. (2006).- Noncoding RNAs in the mammalian central nervous system. *Annu Rev Neurosci* 29: 77-103.
- CAVALIER-SMITH, T. (2006).- Cell evolution and Earth history: stasis and revolution. *Philos Trans R Soc Lond B Biol Sci* 361(1470): 969-1006.
- CECH, T.R. & J.A. STEITZ (2014).- The noncoding RNA revolution-trashing old rules to forge new ones. *Cell*.157(1): 77-94.
- CRICK, F. (1970).- Central dogma of molecular biology. *Nature* 227(5258): 561-563.
- ESTELLER, M. (2011).- Non-coding RNAs in human disease. *NAT REV GENET* 12(12): 861-874.
- GE, W. ET AL. (2012).- Overlapping functions of microRNAs in control of apoptosis during Drosophila embryogenesis. *Cell Death Differ* 19(5): 839-846.
- HANAHAN, D. & R.A. WEINBERG (2000).- The hallmarks of cancer. *Cell* 100(1): 57-70.
- HE, L. ET AL. (2005).- A microRNA polycistron as a potential human oncogene. *Nature* 435(7043): 828-833.
- HEBERT, S.S. ET AL. (2008).- Loss of microRNA cluster miR-29a/b-1 in sporadic Alzheimer's disease correlates with increased BACE1/beta-secretase expression. *Proc Natl Acad Sci USA* 105(17): 6415-6420.
- KLEIN, U. ET AL. (2010).- The DLEU2/miR-15a/16-1 cluster controls B cell proliferation and its deletion leads to chronic lymphocytic leukemia. *Cancer Cell* 17(1): 28-40.
- LAGOS-QUINTANA, M. ET AL. (2001).- Identification of novel genes coding for small expressed RNAs. *Science* 294(5543): p. 853-858.
- LAU, N.C. ET AL. (2001).- An abundant class of tiny RNAs with probable regulatory roles in *Caenorhabditis elegans*. *Science* 294(5543): 858-862.
- LEE, R.C. & V. AMBROS (2001).- An extensive class of small RNAs in *Caenorhabditis elegans*. *Science* 294(5543): 862-864.
- LEE, R.C., R.L. FEINBAUM, & V. AMBROS (1993).- The *C. elegans* heterochronic gene lin-4 encodes small RNAs with antisense complementarity to lin-14. *Cell* 75(5): 843-854.
- LING, S.C. ET AL. (2010).- ALS-associated mutations in TDP-43 increase its stability and promote TDP-43 complexes with FUS/TLS. *Proc Natl Acad Sci USA* 107(30): 13318-13323.
- LIU, H. ET AL. (2007).- Systematic review: the safety and efficacy of growth hormone in the healthy elderly. *Ann Intern Med* 146(2): 104-115.
- LOPEZ-OTIN, C. ET AL. (2013).- The hallmarks of aging. *Cell* 153(6): 1194-1217.
- LUJAMBIO, A. & S.W. LOWE (2012).- The microcosmos of cancer. *Nature* 482(7385): 347-355.
- PARK, C.Y., CHOI Y.S. & M.T. McMANUS (2010).- Analysis of microRNA knockouts in mice. *Hum Mol Genet* 19(R2): R169-175.
- SETHUPATHY, P. ET AL. (2007).- Human microRNA-155 on chromosome 21 differentially interacts with its polymorphic target in the AGTR1 3' untranslated region: a mechanism for functional single-nucleotide polymorphisms related to phenotypes. *Am J Hum Genet* 81(2): 405-413.
- UGALDE, A.P. ET AL. (2011).- Aging and chronic DNA damage response activate a regulatory pathway involving miR-29 and p53. *EMBO J* 30(11): 2219-2232.
- UGALDE, A.P., ESPANOL Y. & C. LOPEZ-OTIN (2011).- Micromanaging aging with miRNAs: new messages from the nuclear envelope. *Nucleus* 2(6): 549-555.
- VARELA, I. ET AL. (2005).- Accelerated ageing in mice deficient in Zmpste24 protease is linked to p53 signalling activation. *Nature* 437(7058): 564-568.
- VENTURA, A. ET AL. (2008).- Targeted deletion reveals essential and overlapping functions of the miR-17 through 92 family of miRNA clusters. *Cell* 132(5): 875-886.
- WIGHTMAN, B., HA I. & G. RUVKUN (1993).- Posttranscriptional regulation of the heterochronic gene lin-14 by lin-4 mediates temporal pattern formation in *C. elegans*. *Cell* 75(5): 855-862.
- WINTER, J. ET AL. (2009).- Many roads to maturity: microRNA biogenesis pathways and their regulation. *Nat Cell Biol* 11(3): p. 228-234.
- YANG, B. ET AL. (2007).- The muscle-specific microRNA miR-1 regulates cardiac arrhythmogenic potential by targeting GJA1 and KCNJ2. *Nat Med* 13(4): 486-491.